



Teitl y Swydd: Swyddog Gweithgareddau Chwaraeon

Math o gontract: Swydd 12 mis, llawn amser (35 awr yr wythnos)

Graddfa: Graddfa 4: £17,557 (Pwynt 1) - £20,353 (Pwynt 6)

Lleoliad: Gwent

Amdanom ni

Mae'r Urdd yn fudiad sy'n parhau i dyfu ac arloesi, ac yn un o'r cyflogwyr mwyaf sy'n gweithredu trwy'r Gymraeg. Fe sefydlwyd yn 1922, ac erbyn heddiw cyflogir dros 300 o staff, bron 55,000 o aelodau, 10,000 o wirfoddolwyr a throsiant o £10m. Byddwn yn dathlu ein pen-blwydd yn 100 yn 2022 gan weithio gydag ein haelodau a'n gwirfoddolwyr ynghyd ac amryw o bartneriaid sy'n cynnwys Llywodraeth Cymru, S4C, BBC, Undeb Rygbi Cymru, Cymdeithas Pêl-droed Cymru, Canolfan Mileniwm Cymru, Stonewall Cymru, Chwaraeon Cymru, Ysgolion a Cholegau Cymru.

Y Swydd

Nod y swydd fydd cynyddu cyfranogaeth plant a phobl ifanc mewn gweithgareddau chwaraeon cyson, drwy gyfrwng y Gymraeg.

Am fwy o fanylion cysylltwch â Helen Williams (Uwch Swyddog Datblygu Chwaraeon) ar 01685 883 955 / 07976 003 358 neu helenw@urdd.org

Anfonwch Ffurflen Gais yr Urdd ar e-bost at swyddi@urdd.org

Dyddiad Cau – 10:00, 31 Ionawr 2020
Dyddiad Cyfweld – 4 Chwefror 2020

DISGRIFIAD SWYDD			
Teitl y swydd:	Swyddog Gweithgareddau	Lleoliad:	Gwent
Adran:	Chwaraeon	Rheolaeth Llinell:	Dim
Yn adrodd i :	Uwch Swyddog Datblygu Chwaraeon	Graddfa:	Graddfa 4 (£17,557 pwynt 1 - £20,353 pwynt 6)

Prif bwrpas y swydd:

Nod y swydd fydd cynyddu cyfranogaeth plant a phobl ifanc mewn gweithgaredd chwaraeon cyson, drwy gyfrwng y Gymraeg.

Prif ddyletswyddau a chyfrifoldebau:

1. Bydd angen i'r Swyddog Gweithgareddau Chwaraeon ddatblygu sesiynau wythnosol a chlybiau e.e. clybiau hwyl , chwaraeon penodol a nofio tu allan i oriau dysgu yn yr ardaloedd a nodwyd.
2. Datblygu gwirfoddolwyr sydd yn gweithio yn glybiau chwaraeon cymunedol yr adran.
3. Creu Posterï a chynnwys marchnata i'r Gweithgareddau a'r Clybiau wythnosol.
4. Cyfrifol am gofrestrau a data gweithgareddau a chlybiau wythnosol a hefyd gweithio i dargedau misol a blyneddol.
5. Mewn rhai ardaloedd bydd angen cydweithio â chlybiau lleol sydd eisoes yn bodoli er mwyn annog plant a phobl ifanc i fynychu sesiynau wythnosol. Lle nad oes clybiau addas yn bodoli eisoes, bydd angen trefnu clybiau yn enw'r Urdd.
6. Bydd angen hyfforddi gwirfoddolwyr i ymgymryd â sesiynau chwaraeon, gan gynnwys mentora prentisiaid yr adran ac arweinwyr ifanc.
7. Bydd angen i'r swyddog dargedu gweithgaredd yn arbennig mewn ardaloedd difreintiedig gan ei bod hi'n un o amcanion yr Urdd i gynyddu gweithgaredd yn yr ardaloedd hynny, er mwyn sicrhau cynhwysiad cymdeithasol. Bydd angen targedu chwaraeon i ferched, ac i'r rheiny ag anghenion addysgol arbennig hefyd.
8. Bydd disgwyl i'r swyddog gyfrannu at lwyddiant gweithgareddau chwaraeon cenedlaethol hefyd, o dan arweiniad yr adran digwyddiadau
10. Bydd angen datblygu sesiynau / clybiau ar benwythnosau i fwrw targedau Chwaraeon Cymru a Llywodraeth Cymru.

Manyldeb y person a'r meini prawf: Cymwysterau, sgiliau a phrofiad

Hanfodol

- i. Bydd angen meddu ar drwydded yrru a char, neu'r gallu i deithio'n gwbl hyblyg ac annibynnol er mwyn cyflawni'r swydd hon.
- ii. Bydd cymhwyster yn y maes chwaraeon a hamdden yn hanfodol
- iii. Bydd hi'n angenrheidiol gallu siarad ac ysgrifennu Cymraeg er mwyn cyflawni'r swydd hon

Dymunol

- iv. Byddai profiad o weithio gyda phlant a phobl ifanc o fantais
- v. Bydd profiad o hyfforddi o fantais
- vi. Dealltwriaeth o nod ac amcanion Urdd Gobaith Cymru

Nodiadau i ymgeiswyr:

I ymgeisio, mae'n rhaid llenwi'r ffurflen gais yn llawn, gan roi enghreifftiau i gefnogi eich atebion. Mae'n rhaid i chi ddangos eich bod yn cwrdd â'r holl feini prawf hanfodol i gael eich cynnwys ar y rhestr fer.

Ar ôl y dyddiad cau, ni fydd yr hysbyseb swydd hon ar gael ar ein Gwefan, felly cofiwch gadw copi ar gyfer eich cofnodion.

Newidiadau i'r Disgrifiad Swydd:

Gall y disgrifiad swydd hwn newid neu gael ei ddiwygio ar unrhyw amser ar ôl ymgynghori â deiliad y swydd.

Hyblygrwydd:

Tynnir eich sylw at y ffaith fod dyletswyddau a chyfrifoldebau penodol mewn rhai achosion yn anodd eu dadansoddi yn fanwl a gallent newid o dro i dro heb newid cymeriad cyffredinol y dyletswyddau na lefel y cyfrifoldeb.

Yn ychwanegol, mae'n ofynnol i bob aelod o'r staff dderbyn elfennau o hyblygrwydd yn eu dyletswyddau a'u cyfrifoldebau, a phan fo angen, cyfnewid er mwyn cyfarfod anghenion a gofynion y gwasanaeth sy'n newid yn barhaus. Bydd angen o'r fath yn galluogi i arbenigedd penodol y deilydd dyfu a datblygu er lles y cyflogwr a'r gweithiwr.

Adolygiad:

Cyhoeddwyd y disgrifiad swydd yma ym mis Gorffennaf 2019 ac fe'i hadolygir yn gyson fel rhan o ddatblygiad yr unigolyn, ynghyd ag adolygiad perfformiad.

CRYNODEB O'R TELERAU AC AMODAU (ceir manylion lawn yn Llawlyfr Staff)

Teitl y swydd:	Swyddog Gweithgareddau Chwaraeon
Yn atebol i:	Uwch Swyddog Datblygu Rhanbarthol Chwaraeon
Cyflog:	Ar raddfa 4 Strwythur Cyflog yr Urdd £17,557 (Pwynt 1) - £20,353 (Pwynt 6) Penodir ar Bwynt 1, oni bai fod profiad/cymhwyster arbennig yn denu un pwynt ychwanegol.
Cytundeb:	Tymor penodol 12 mis
Oriau gwaith:	Wythnos waith sylfaenol yw 35 awr yr wythnos. Gweithredir cynllun oriau hyblyg.
Lleoliad:	Gwent
Gwyliau blynyddol:	Caniateir 25 niwrnod o wyliau blynyddol ac wyth niwrnod o wyliau cyhoeddus - y cyfnodau i'w pennu mewn ymgynghoriad â'r Prif Weithredwr. Bydd y gwyliau'n cynyddu i 28 diwrnod ar ôl 5 mlynedd o wasanaeth ac yna i 33 diwrnod ar ôl 10 mlynedd o wasanaeth.
Cyfnod prawf:	Bydd cyfnod prawf o 6 mis
Pensiwn:	Bydd cyfle i ymuno â chynllun pensiwn yr Urdd ar unwaith, neu mae'n bosibl byddwch yn cael eich cofrestru i gynllun 'Ymgofrestru Awtomatig'.
Gwiriad GDG:	Bydd yn ofynnol i'r ymgeisydd llwyddiannus gael ei wirio gan y Gwasanaeth Datgelu a Gwahardd (GDG)
Archwiliad meddygol:	Cedwir yr hawl i ofyn i'r sawl a benodir mynd o dan archwiliad meddygol cyn cynnig y swydd yn ffurfiol.
Yswiriant Bywyd:	Yn dilyn cwblhau 6 mis yn y swydd byddwch yn ymuno a chynllun yswiriant bywyd yr Urdd sydd yn cynnig yswiriant cywerth a 3 gwaith eich cyflog blynyddol trwy gydol eich cyflogaeth gyda'r Urdd hyd at oed 70.